

Broj:01- 02/2-800/25 SK/MJ
Sarajevo, 26.03.2025. godine

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BIH
PREDSTAVNIČKI DOM
n/r gđin Dragan Mioković, predsjedavajući
n/r gđa Kenela Zuko, poslanik

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno:		26-03-2025	
Org. jed.	Broj	Priloga	Vrijednost
05/1	-02-	136	2/25

VLADA FEDERACIJE BOSNE I HERCEGOVINE
n/r gđa Edita Kalajdžić, sekretar

Predmet: Odgovor na poslaničku inicijativu, **dostavlja se-**

Veza: Akt predsjedavajućeg Predstavničkog doma Parlamenta Federacije Bosne i Hercegovine, broj: 05/1-02-136/25 od 18.03.2025. godine i akt sekretara Vlade Federacije Bosne i Hercegovine, broj: 03-04-574-1/2025 od 20.03.2025. godine

Poštovani,

U vezi sa poslaničkom inicijativom koju je podnijela Kenela Zuko, poslanica u Predstavničkom domu Parlamenta Federacije Bosne i Hercegovine, a kojom je predloženo Federalnom ministarstvu rada i socijalne politike da se pokrenu sve neophodne aktivnosti u pogledu uvođenja inspektorata za socijalnu i dječiju zaštitu u ustanovama za zbrinjavanje djece, dostavljamo sljedeći odgovor:

Ovom prilikom, podsjećamo na tačku 8. Zaključaka Predstavničkog doma Parlamenta Federacije Bosne i Hercegovine, broj 01-02-2240/19 od 04.12.2019. godine, sa tematske sjednice na kojoj je razmatrano stanje u Zavodu za zbrinjavanje mentalno invalidne djece i omladine – Pazarić, Zavodu za zbrinjavanje mentalno invalidnih lica – Drin, Zavodu za zbrinjavanje mentalno invalidnih osoba – Bakovići, Zavodu za vaspitanje muške djece i omladine – Sarajevo i Ustanovi iz djelokruga socijalne zaštite – Ljubuški. Navedenom tačkom 8. predmetnih Zaključaka Federalno ministarstvo pravde je zaduženo da pripremi prijedlog izmjena i dopuna Zakona o inspekcijama u Federaciji BiH kojima bi se pri Federalnoj upravi za inspekcijske poslove formirao inspektorat za socijalnu i dječiju zaštitu u čijoj bi nadležnosti, između ostalog, bilo i vršenje inspekcijskog nadzora nad ustanovama socijalne zaštite kojima je osnivač Parlament Federacije BiH. Imajući u vidu da je predmetni Zakon o inspekcijama u nadležnosti Federalnog ministarstva pravde, ovu bi inicijativu trebalo uputiti prema federalnom ministru pravde kao resornom ministru. Federalno ministarstvo rada i socijalne politike snažno podržava ideju da se konačno formira federalna inspekcija

za oblast socijalne i dječije zaštite što se može potkrijepiti i činjenicom da je odredbom člana 78. Zakona o ustanovama socijalne zaštite Federacije Bosne i Hercegovine ("Službene novine Federacije BiH", broj: 64/22) propisalo da inspekcijski nadzor nad zakonitošću rada federalnih ustanova socijalne zaštite vrši Federalna uprava za inspekcijske poslove putem nadležnih federalnih inspektora, odnosno kantonalno tijelo za inspekcijske poslove putem nadležnih kantonalnih inspektora u dijelu koji se odnosi na odgoj i obrazovanje. Pritom je jasno propisano da, ovisno o djelatnosti i oblasti na koju se odnosi, inspekcijski nadzor nad zakonitošću rada federalnih ustanova socijalne zaštite, između ostalih, provode federalni inspektori socijalne i dječije zaštite u dijelu primjene propisa iz oblasti socijalne i dječije zaštite.

S poštovanjem,



Dostavljeno:

- naslovu
- a/a